



«Jau sent sch'i na va betg bain cun in uman u in animal», di Eveline Hauser, pura da chauras a Curaglia e Soliva.

FOTOS S. BÖSCH



«Per mai è la qualidad da viver pli impurtanta che blers daners sin il conto», di Ulrike Stober, pura da legum da bio sin 1300 meters en Valragn.



«I gioga gnanc ina rolla nua ch'ins viva, mabain co ch'ins viva», di Iris Hauschild che maina la scola da chavaltgar Plaun Schumpeder a Santa Maria.

Trais puras grischunas en «Landluft»

In nov cudesch da l'autura Daniela Schwegler

DA CLAUDIA CADRUVI / ANR

■ Daniela Schwegler chapescha da descriver la vita en las muntognas. Uss è cumpari ses nov cudesch «Landluft». Cun dun e sensibilitad mussa l'autura il patratgar, panzar e bratgar da dudesch puras da muntogna – tranter quellas era trais che vivan en il Grischun. En sias emprimas publicaziuns è l'autra sa deditgada a dunnas che van ad alp u che mainan ina chamona. Uss èn pia las puras en roda. Schwegler purtrete-scha per exempel ina Tessinaisa che surpiglia cun 18 onns il manaschi dals geniturs u ina veterinaria ch'è unfisa dal luxus e daventa allevatura da bie-tga. Las puras resdan da siemis che van en vigur u era betg, da la passiu per ils animals, dals quitads finanzia-les e co ch'ins mantegna ina famiglia. Suent-er mintga purtret suonda in tipp da vian-dar en la vischinanza dal manaschi pu-ri. En il Grischun ha Schwegler pur-tretà dunnas da Curaglia, Santa Maria e Farera.

Cun 60 chauras en Val Medel

Eveline Hauser ha emprendì da cusunza e suenter lavurà sco scrinaria, pictura, è stada en chamonas e si d'alp. Il 2011 è el-la partida a pe cun intginas chauras, dus chauns e duas giaglinas da l'Entlebuch ed è arrivada suenter dus mais en Val Medel. Là è ella sa chasada ensem cun ses par-tenari. L'emprim han els vivì mo en ina jurta. Uss abiteschan els a Curaglia ed èn londervi da renovar la chasa ch'els han cumprà a Soliva. En il fratemp è era il pitschen triep da animals daventà ina muntanera da 60 chauras da latg. Vitiers vegnan las chau-ras per far trekkings, chauns, giats, avie-uls ed anc passa diesch vatgas-mamma che Eveline e ses partenari han gi la cha-schun da surpigliar. Il temp da scola, cunzunt la matema-tica, saja stà ina tortura, sa regorda la pu-ra. Persuenter haja ella autras abilitads: «Jau hai in fin sentiment per chaussas che auters na vesan u chapeschan forsa betg uschia. Jau sent sch'i na va betg bain cun in uman u in animal.» Uschia remartga ella adina sche ina da sias chauras fa prest



Turas da trekking en Val Medel senza satgados – las chauras portan la bagascha.



Dapi ch'ella ha dus tunnels da folia madieschan las tomatas era cun mo paucas uras sulegl a Farera.

ansiel. L'ura la damaun marvegl durant mulscher sias chauras sin pastira è per el-la il pli bel mument dal di.

Permacultura a Farera

Suent-er la matura ha Ulrike Stober fatg in emprendissadi da lainaria ed è pli tard ida ad alp cun ses ami. Ma insacuras n'han els betg vulì lavurar mo per ils au-ters, han chattà ina chasa cun in pau funs a Farera ed han cumenzà a cultivar le-gums. L'emprim è Ulrike stada sceptica damai ch'els han gi be 0,7 hectaras. En il fratemp ha l'ami bandunà Farera e la pu-ra ha cumprà e prendì si dapli terren uschia che ses manaschi ha uss la gron-dezza ideala.

Da cultivar legum a Farera sin 1300 meters sur mar n'è betg simpel. Racoltar pon ins be durant trais u quater mais. Ul-rike è dentant ina pura da bio persvadi-da: «Jau emprov adina puspè ora chaus-sas ord la permacultura. Per exempel less jau intervegnir uschè pauc sco pussaivel e stgaffir in sistem ecologic nua che ina planta gida l'autra.» Dapi ch'ella ha ab-solvi la scola da puras survegn ella paga-ments directs e furnescha ses products ad

abunents da legum. «Ritga na vegn jau betg», ri la pura che viva sut il minimum d'existenza. «Ma per mai è la qualidad da viver pli impurtanta che blers daners sin il conto.»

Chavaltgar a Plaun Schumpeder

Iris Hauschild maina la scola da chaval-tgar Plaun Schumpeder a Santa Maria en Val Müstair. Sper ils 13 chavals ha ella anc intginas nursas vallesanas, chauras, giaglinas, chaun e giats. La stad èsi stagi-un auta cun plirs champs da chavaltgar per uffants. Mintga champ finescha cun ina pitschna producziun, nua ch'ils uf-fants pon demonstrar als geniturs tge ch'els han emprendì.

Ils uffants n'emprendan betg da cha-valtga a moda convenziunala, mabain te-nor la metoda Hippolini che deriva d'ina pedagoda curativa da la Germania. Per creschids datti curs da coaching ensem cun chavals. En sazez n'aveva Iris mai pu-di s'imaginar da turnar in di en Val Müs-tair nua che ses geniturs han vivì. «Fin ch'jau hai remartgà insacuras ch'i na gio-ga gnanc ina rolla nua ch'ins viva, mabain co ch'ins viva.»